

---

OFFERYNNAU STATUDOL CYMRU

---

**2009 Rhif 106 (Cy.20)**

**AMAETHYDDIAETH, CYMRU**

**Rheoliadau Bwydydd Anifeiliaid (Cymru) (Diwygio) 2009**

<i>Gwnaed</i>	- - - -	24 Ionawr 2009
<i>Gosodwyd gerbron Cynulliad Cenedlaethol Cymru</i>	- -	27 Ionawr 2009
<i>Yn dod i rym</i>	- -	20 Chwefror 2009

Mae Gweinidogion Cymru yn gwneud y Rheoliadau canlynol drwy arfer y pwerau a roddwyd gan adrannau 66(1), 68(1), 69(1), 74A ac 84 o Ddeddf Amaethyddiaeth 1970(1).

Bu ymgynghori yn ystod gwaith paratoi'r Rheoliadau hyn yn unol â gofynion adran 84(1) o Ddeddf Amaethyddiaeth 1970 neu, fel y bo'n briodol, o Erthygl 9 o Reoliad (EC) Rhif 178/2002 Senedd Ewrop a'r Cyngor(2) sy'n gosod egwyddorion a gofynion cyffredinol cyfraith bwyd, yn sefydlu Awdurdod Diogelwch Bwyd Ewrop ac yn gosod gweithdrefnau o ran materion diogelwch bwyd.

**Enwi, cychwyn a chymhwysio**

1.—(1) Enw'r Rheoliadau hyn yw Rheoliadau Bwydydd Anifeiliaid (Cymru) (Diwygio) 2009 a deuant i rym ar 20 Chwefror 2009.

(2) Mae'r Rheoliadau hyn yn gymwys o ran Cymru.

**Diwygio Rheoliadau Bwydydd Anifeiliaid (Cymru) 2006**

2.—(1) Diwygier Rheoliadau Bwydydd Anifeiliaid (Cymru) 2006(3) yn unol â pharagraffau (2) a (3).

(2) Yn Atodlen 5 (cyfyngiadau rhagnodedig ar gyfer sylweddau annymunol) —

(a) ym Mhennod A, yn y cofnodion ynghylch fflworin—

(i) ar ôl y cofnod olaf yng nghlofn 2 ychwaneger “— complete feeding stuffs for fish”,  
a

---

(1) 1970 p.40. Mae adran 66(1) yn cynnwys diffiniadau o'r ymadroddion “the Ministers”, “prescribed” a “regulations”. Diwygiwyd y diffiniad o “the Ministers” gan Orchymyn Trosglwyddo Swyddogaethau (Cymru) (Rhif 1) 1978 (O.S.1978/272), Atodlen 5, paragraff 1. Trosglwyddwyd swyddogaethau “the Ministers”, i'r graddau y maent yn arferadwy o ran Cymru, i Gynulliad Cenedlaethol Cymru gan O.S. 1999/672 a'u trosglwyddo wedi hynny i Weinidogion Cymru gan baragraff 30 o Atodlen 11 i Ddeddf Llywodraeth Cymru 2006 (p.32). Mewnosodwyd adran 74A gan Ddeddf y Cymunedau Ewropeaidd 1972 (p. 68), Atodlen 4, paragraff 6.

(2) OJ Rhif L31, 1.2.2002, t.1, fel y'i diwygiwyd ddiwethaf gan Reoliad (EC) Rhif 202/2008 (OJ Rhif. L60, 5.3.2008, t.17).

(3) O.S. 2006/116 (Cy. 14) fel y'i diwygiwyd gan O.S. 2006/617 (Cy.69), O.S. 2006/2928 (Cy. 263), O.S. 2006/3256 (Cy. 296), O.S. 2007/3171 (Cy. 277) ac O.S. 2008/1806 (Cy. 174).

---

*Statws* This is the original version (as it was originally made). Dim ond ar ei ffurf wreiddiol y mae'r eitem hon o ddeddfwriaeth ar gael ar hyn o bryd.

---

- (ii) ar ôl y cofnod olaf yng ngholofn 3 ychwaneger “350”;
- (b) ym Mhennod C —
- (i) hepgorer y cofnodion ynghylch *Apricots, Bitter almond and Camelina*;
- (ii) ar gyfer y cofnodion ynghylch *Weed seeds etc.* rhodder y canlynol —

<i>Column 1</i> <i>Undesirable substances</i>	<i>Column 2</i> <i>Products intended for animal feed</i>	<i>Column 3</i> <i>Maximum content in mg/kg of feeding stuffs referred to a moisture content of 12%</i>
Weed seeds and unground and uncrushed fruits containing alkaloids, glucosides or other toxic substances, separately or in combination including:	All feeding stuffs	3000
<i>Datura stramonium L.</i>		1000

- (c) ym Mhennod D, yn y cofnodion ynghylch DDT yng ngholofn 1, yn lle'r ymadrodd mewn cromfachau rhodder “(sum of DDT-, DDD- (or TDE-) and DDE-isomers, expressed as DDT)”.

(3) Yn Atodlen 7 (bwydydd anifeiliaid a ganiateir at ddibenion maethiadol penodol a darpariaethau ynghylch eu defnyddio), yn lle'r cofnodion ynghylch cefnogi swyddogaeth arenol mewn achos o annigonolrwydd cronig yr arenau yn rhes gyntaf y tabl ym Mhennod A, rhodder y cofnodion a osodir yn yr Atodlen i'r Rheoliadau hyn.

*Gwenda Thomas*  
O dan awdurdod y Gweinidog dros Iechyd a  
Gwasanaethau Cymdeithasol, un o Weinidogion  
Cymru.

24 Ionawr 2009

YR ATODLEN

Rheoliad 2(3)

Cofnodion sydd i'w rhoi yn lle'r cofnodion ynghylch cefnogi swyddogaeth arennol mewn achos o annigonolrwydd cronig yr arennau yn Atodlen 7 i Reoliadau Bwydydd Anifeiliaid (Cymru) 2006

<i>Particular nutritional purpose</i>	<i>Essential nutritional characteristics</i>	<i>Species or category of animal</i>	<i>Labelling declarations</i>	<i>Recommended length of time for use</i>	<i>Other provisions</i>
Support of renal function in case of chronic renal insufficiency <sup>(1)</sup>	Low level of phosphorus and restricted level of protein but of high quality	Dogs and cats	— Protein — Calcium — Phosphorus — Potassium — Sodium — Content of essential fatty acids (if added)	Initially up to 6 months <sup>(2)</sup>	Indicate on the package, container or label: "It is recommended that a veterinarian's opinion be sought before use or before extending the period of use".  Indicate in the instructions for use: "Water should be available at all times".
	or Reduced phosphorus absorption by means of incorporation of Lanthanum carbonate octahydrate	Adult cats	— Protein — Calcium — Phosphorus — Potassium — Sodium — Lanthanum carbonate octahydrate — Content of essential fatty acids (if added)	Initially up to 6 months <sup>(2)</sup>	Indicate on the package, container or label: "It is recommended that a veterinarian's opinion be sought before use or before extending the period of use".  Indicate in the instructions for use: "Water should be available at all times".

---

## EXPLANATORY NOTE

(Nid yw'r nodyn hwn yn rhan o'r Rheoliadau.)

1. Mae'r Rheoliadau hyn yn gwneud diwygiadau pellach i Reoliadau Bwydydd Anifeiliaid (Cymru) 2006 (O.S. 2006/116 (Cy.14) a ddiwygiwyd eisoes gan O.S. 2006/617 (Cy.69), O.S. 2006/2928 (Cy. 263), O.S. 2006/3256 (Cy.296), O.S. 2007/3171 (Cy.277) ac O.S. 2008/1806 (Cy.174)) (“y Rheoliadau Bwydydd Anifeiliaid”).

2. Mae'r Rheoliadau hyn yn darparu ar gyfer gweithredu—

- (a) Cyfarwyddeb y Comisiwn 2008/76/EC sy'n diwygio Atodiad I i Gyfarwyddeb 2002/32/EC Senedd Ewrop a'r Cyngor ar sylweddau annymunol mewn bwyd anifeiliaid ( OJ Rhif L198, 26.7.2008, t.37); a
- (b) Cyfarwyddeb y Comisiwn 2008/82/EC sy'n diwygio Cyfarwyddeb 2008/38/EC o ran bwydydd anifeiliaid a fwriedir ar gyfer cefnogi swyddogaeth arennol mewn achos o annigonolrwydd cronig yr arenau (OJ Rhif L202, 31.7.2008, t.48).

3. O ran paragraff 2(a), mae'r Rheoliadau hyn yn diwygio Atodlen 5 (cyfyngiadau rhagnodedig ar gyfer sylweddau annymunol) i'r Rheoliadau Bwydydd Anifeiliaid. Mae'r newidiadau'n ymwneud â fflworin, cynhyrchion planhigion penodol a DDT.

4. O ran paragraff 2(b), mae'r Rheoliadau hyn yn diwygio'r tabl yn Atodlen 7 (bwydydd anifeiliaid a ganiateir at ddibenion maethiadol penodol a darpariaethau ynghylch eu defnyddio) i'r Rheoliadau Bwydydd Anifeiliaid, drwy ddisodli'r cofnodion presennol ynghylch cefnogi swyddogaeth arennol mewn achos o annigonolrwydd cronig yr arenau.

5. Ni chafodd asesiad effaith llawn ei baratoi ar gyfer y Rheoliadau hyn gan na ragwelir unrhyw effaith ar y sectorau preifat na gwirfoddol.